

SOS

অতি সংক্ষিপ্ত প্রশ্নোত্তর :

**** ১। অর্থনীতিতে চাহিদা (Demand) কাকে বলে?** বাকাশিবো- ২০১৪, ২৫
অথবা, চাহিদা বলতে কী বুঝায়? বাকাশিবো- ২০১৬, ১৮

উত্তর : চাহিদা : সাধারণ অর্থে কোন দ্রব্য বা সেবা পাওয়ার আকাঙ্ক্ষাকে চাহিদা বলে। কিন্তু অর্থনীতিতে নিছক আকাঙ্ক্ষাকে চাহিদা বলে না। ক্রেতার যে আকাঙ্ক্ষা পূরণ করার সামর্থ্য ও ইচ্ছা থাকে, অর্থনীতিতে তাকেই চাহিদা বলে।

অর্থনীতিবিদ বেনহামের মতে, “কোনো নির্দিষ্ট সময়ে ক্রেতা বিভিন্ন দামে একটি দ্রব্যের যে পরিমাণ ক্রয় করতে প্রস্তুত সেটাই ঐ দ্রব্যের চাহিদা”
অধ্যাপক পেনশনের মতে, “কোনো দ্রব্য পাওয়ার ইচ্ছার পিছনে অর্থ ব্যয়ের সামর্থ্য বা ইচ্ছা থাকলে তাকে চাহিদা বলে”

**** ২। চাহিদার উপাদান কয়টি ও কী কী?**

বাকাশিবো- ১৮‘পরি’, ২০‘পরি’

অথবা, চাহিদার বৈশিষ্ট্য কয়টি ও কী কী?

উত্তর : চাহিদার উপাদান তিনটি।

- ১) কোন দ্রব্য পাওয়ার ইচ্ছা বা আকাঙ্ক্ষা
- ২) দ্রব্যটি ক্রয়ের জন্য প্রয়োজনীয় অর্থ এবং
- ৩) অর্থ ব্যয় করে দ্রব্যটি ক্রয়ের ইচ্ছা।

*** ৩। চাহিদার স্থিতিস্থাপকতা বলতে কী বুঝায়?

বাকাশিবো-১৯৯১, ২০০২, ০৪, ১২, ১৩, ১৪'পরি', ১৫

উত্তর : দ্রব্যের দামের পরিবর্তনের সাথে চাহিদার হার যে দ্রুততা বা ধীরতার সাথে পরিবর্তন হয়,তাকে স্থিতিস্থাপকতা বলে। চাহিদা বিধির অত্যন্ত গুরুত্বপূর্ণ আলোচ্য বিষয় হলো চাহিদার স্থিতিস্থাপকতা।

** ৪। যোগান (Supply) বলতে কী বুঝায়?

বাকাশিবো- ২০১৪

অথবা, যোগান কী?

উত্তর : যোগান : একটি নির্দিষ্ট সময়ে একটি নির্দিষ্ট দামে কোন দ্রব্যের যে পরিমাণ বিক্রয় করতে বিক্রেতাগণ প্রস্তুত থাকে, তাকে যোগান বলে।

*** ৫। উপযোগ বলতে কী বুঝায়?

বাকাশিবো- ১৯৯৮, ৯৯, ০১,০২, ০৩, ০৪, ০৮,১১, ১২, ১৩, ১৪, ১৪'পরি', ১৬'পরি', ১৮'পরি'

অথবা, উপযোগ কী?

অথবা, উপযোগ কাকে বলে?

উত্তর : কোনো দ্রব্য বা সেবার অভাব মোচনের ক্ষমতাকে অর্থনীতিতে উপযোগ বলা হয়। অর্থাৎ কোনো দ্রব্যের মধ্যে মানুষের প্রয়োজন মিটানোর যে ক্ষমতা থাকে তাকে উপযোগ বা উপযোগিতা বলে।

*** ৬। জাতীয় আয় (National Income) কী?

বাকাশিবো- ১৯৯৮, ০০, ০১, ০৫'পরি', ১৪, ১৪'পরি', ২৩

অথবা, জাতীয় আয় বলতে কী বুঝায়?

অথবা, জাতীয় আয় কাকে বলে?

উত্তর : কোনো দেশের প্রাকৃতিক সম্পদের উপর সে দেশের মোট শ্রম ও মূলধন নিয়োগ করে নির্দিষ্ট সময়ে সাধারণত এক বছরে মোট যে পরিমান বস্তুগত ও অবস্তুগত দ্রব্য ও সেবা উৎপাদিত হয় তার অর্থমূল্যের সমষ্টিকে মোট জাতীয় আয় বলে। মোট জাতীয় আয়ে বিদেশে দেশি ব্যক্তিদের প্রেরিত অর্থের সমষ্টি অন্তর্ভুক্ত হয়।

*** ৭। GDP বা মোট দেশজ উৎপাদন বলতে কী বুঝায়?

বাকাশিবো- ০৬পরি, ০৯, ১১, ১২, ১৪পরি, ১৫, ২৪, ২৫

অথবা, GDP বলতে কী বুঝায়?

অথবা, GDP কী?

উত্তর : একটি দেশের ভৌগোলিক সীমার মধ্যে কোনো নির্দিষ্ট সময়ে সাধারণত এক বছরে দেশে বসবাসকারী ব্যক্তিগণ কর্তৃক উৎপাদিত চূড়ান্ত পর্যায়ের সকল দ্রব্য ও সেবার আর্থিক মূল্যকে সেই দেশের মোট দেশজ উৎপাদন বা (Gross Domestic Product- GDP)

*** ৮। GNP বলতে কী বুঝায়?

বাকাশিবো- ১১, ১২, ১৪'পরি', ১৫, ২৪, ২৫

উত্তর : GNP (মোট জাতীয় আয়) : একটি নির্দিষ্ট সময়ে সাধারণত একটি আর্থিক বছরে দেশ ও বিদেশে অবস্থানরত দেশের নাগরিকদের দ্বারা যে পরিমান চূড়ান্ত পর্যায়ের দ্রব্য ও সেবাকর্ম উৎপাদিত হয়, তার মোট আর্থিক

মূল্যকে মোট জাতীয় উৎপাদন (Gross National Product-GNP) বলে।

**** ৯। নিট জাতীয় উৎপাদন / আয় (NNP) কী?**

বাকাশিবো-২০০৮, ০৯, ১৮, ২৪

উত্তর : মোট জাতীয় উৎপাদন সৃষ্টি করতে সারাবছর ধরে যন্ত্রপাতি ব্যবহার করতে হয়। এর ফলে যন্ত্রপাতির ক্ষয়ক্ষতি হয়ে থাকে। মোট জাতীয় উৎপাদন হতে যন্ত্রপাতির ক্ষয়ক্ষতি পূরণের জন্য অর্থ বাদ দিলে যা থাকে তাকে, নিট জাতীয় উৎপাদন Net National Product (NNP) বলে। ক্ষয়ক্ষতি পূরণের জন্য যে অর্থ আলাদা করে রাখা হয়, তাকে অবচয়জনিত ব্যয় (Depreciation Cost) বলে। অতএব, নিট জাতীয় উৎপাদন = মোট জাতীয় উৎপাদন – অবচয়জনিত ব্যয়।

***** ১০। GDP, GNP, ও NNP এর পূর্ণরূপ লেখ।**

বাকাশিবো- ২০১৪, ১৭, ১৭'পরি', ১৯'পরি'

উত্তর :

GDP = Gross Domestic Product

GNP = Gross National Product

NNP = Net National Product



SOS**সংক্ষিপ্ত প্রশ্নোত্তর :**

**** ১।** চাহিদার স্থিতিস্থাপকতা এবং অস্থিতিস্থাপকতা বলতে কী বুঝায় বর্ণনা কর।

বাকাশির্বো- ২০১৮, ২০'পরি'

অথবা, স্থিতিস্থাপক ও অস্থিতিস্থাপক চাহিদা কাকে বলে?

বাকাশির্বো- ২০১২

উত্তর : স্থিতিস্থাপক চাহিদা : দামের পরিবর্তনে চাহিদার পরিবর্তন সকল ক্ষেত্রে এক রকম হয় না। কোনো কোনো সময় দামের সামান্য পরিবর্তন হলে চাহিদার পরিবর্তন হয়ে থাকে। দ্রব্যের এরূপ অবস্থাকে স্থিতিস্থাপক চাহিদা বলে। আরামদায়ক ও বিলাসজাত দ্রব্যের চাহিদা স্থিতিস্থাপক। যেমন- প্রাইভেট কার, দামি আসবাবপত্র, রঙিন টিভি, ক্যামেরা ইত্যাদি সামান্য দাম কমলে ব্যাপক হারে চাহিদা বেড়ে যায়।

অস্থিতিস্থাপক চাহিদা : দাম পরিবর্তনের সাথে যে-সব দ্রব্যের চাহিদার বিশেষ কোনো পরিবর্তন হয় না, ঐ চাহিদাকে অস্থিতিস্থাপক চাহিদা বলে। এমন কিছু দ্রব্য আছে, যাদের দাম পরিবর্তন হলেও চাহিদার বিশেষ পরিবর্তন হয় না। যেমন- চাল, ডাল, তেল, লবণ, ইত্যাদি দাম বাড়লেও চাহিদা বিশেষ কমে না, দাম কমলেও চাহিদা বাড়ে না অর্থাৎ আবশ্যিক দ্রব্যের চাহিদা অস্থিতিস্থাপক।



**** ২।** যে সব বিষয়ের উপর চাহিদার স্থিতিস্থাপকতা নির্ভর করে এমন দুটি বিষয়ের বর্ণনা দাও।

বাকাশিবো- ২০০২, ১২

অথবা, চাহিদার স্থিতিস্থাপকতা কী কী বিষয়ের ওপর নির্ভর করে?

উত্তর : কোনো দ্রব্যের চাহিদা স্থিতিস্থাপকতার বিষয়গুলোর উপর নির্ভর করে, যেমন-

- i) দ্রব্যের প্রকৃতি,
- ii) বিকল্প দ্রব্য,
- iii) স্থগিত ব্যবহার
- iv) একই দ্রব্যের একাধিক ব্যবহার,
- v) মানুষের আয়ের পরিমাণ,
- vi) দ্রব্যের দামের পরিমাণ প্রভৃতি।

দুটি বিষয়ের বৈশিষ্ট্যের বর্ণনা :

i) দ্রব্যের প্রকৃতি : চাহিদার স্থিতিস্থাপকতা দ্রব্যের প্রকৃতির উপর নির্ভরশীল। নিত্যপ্রয়োজনীয় দ্রব্য, যথা- চাল, ডাল, তেল, লবণ ইত্যাদি চাহিদার অস্থিতিস্থাপক। কেননা দাম পরিবর্তন হলেও এদের চাহিদার বিশেষ পরিবর্তন হয় না। কিন্তু আরাম ও বিলাস দ্রব্য, যেমন- প্রাইভেট কার, ফ্রিজ, টিভি, ক্যামেরা ইত্যাদির চাহিদা স্থিতিস্থাপক। কারণ দাম পরিবর্তনের সাথে এদের চাহিদার ব্যাপক পরিবর্তন হয়।

ii) স্থগিত ব্যবহার : যে-সব দ্রব্যের ব্যবহার সাময়িকভাবে স্থগিত রাখা যায়, তাদের চাহিদা স্থিতিস্থাপক হয়। যেমন- জামা-কাপড়ের দাম বেড়ে গেলে মানুষ নতুন জামাকাপড় না কিনে পুরাতন জামাকাপড় দ্বারা কিছুদিন চালিয়ে দেয়।

*** ৩। চাহিদা রেখা ডানদিকে নিম্নগামী এবং যোগান রেখা উর্ধ্বগামী হয় কেন?

বাকাশিবো- ০-৫, ১১, ১২

অথবা, চাহিদা রেখা ডানদিকে নিম্নগামী হয় কেন?

বাকাশিবো- ১৪, ১৫

উত্তর : চাহিদা, দাম ও যোগানের মধ্যে সম্পর্ক-

চাহিদা রেখা : যখন কোনো দ্রব্যের দাম বৃদ্ধি পায় তখন ঐ দ্রব্যের চাহিদা কমে যায়। আবার দ্রব্যের দাম যখন কমে যায় তখন চাহিদা বেড়ে যায়। তাই চাহিদা রেখা বামদিক হতে ডানদিকে নিম্নগামী হয়।

যোগান রেখা : যখন কোনো দ্রব্যের দাম বৃদ্ধি পায় তখন যোগানও বৃদ্ধি পায়। দাম কমলে যোগানও কমে। এজন্য যোগান রেখাটি বামদিক হতে ডানদিক উর্ধ্বগামী হয়।


** ৪। মোট উপযোগ ও প্রান্তিক উপযোগের মাঝে পার্থক্য লেখ।

অথবা, মোট উপযোগ ও প্রান্তিক উপযোগের মাঝে পার্থক্য কী?

বাকাশিবো- ২০১৮, ১৯, ১৯'পরি', ২০

উত্তর : নিম্নে মোট উপযোগ ও প্রান্তিক উপযোগের মাঝে পার্থক্য তুলে ধরা হলো :

	মোট উপযোগ	প্রান্তিক উপযোগ
১	মোট উপযোগ হলো কোনো নির্দিষ্ট সময়ে নির্দিষ্ট দ্রব্য থেকে প্রাপ্ত প্রতি একক উপযোগের সমষ্টি	কোন নির্দিষ্ট সময়ে অতিরিক্ত একক ভোগের মাধ্যমে যে অতিরিক্ত উপযোগ পাওয়া যায়, তাকে প্রান্তিক উপযোগ বলে।

২	নির্দিষ্ট সময়ে ভোগের পরিমাণ বৃদ্ধির সাথে মোট উপযোগ বৃদ্ধি পায়।	মোট উপযোগ যখন সর্বোচ্চ হয়, প্রান্তিক উপযোগ তখন হ্রাস পেয়ে শূন্য হয়।
৩	মোট উপযোগ ঋণাত্মক হয় না।	প্রান্তিক উপযোগ শূন্য হওয়ার পর ঋণাত্মকও হতে পারে।
৪	মোট উপযোগ Tu (Total Utility) দ্বারা প্রকাশ করা হয়।	প্রান্তিক উপযোগকে MU (Marginal Utility)
৫		



SOS**রচনামূলক প্রশ্নোত্তর :**

*** ১। একটি কাল্পনিক চাহিদা সূচি হতে চাহিদা রেখা অঙ্কন কর।

অথবা, একটি কাল্পনিক চাহিদা সূচি থেকে চাহিদা রেখা অঙ্কনপূর্বক বর্ণনা কর। বাকশিৰো-১৯৯৮, ৯৯, ০৭, ০৮, ১৪, ১৬'পরি', ১৭, ১৭'পরি', ১৮, ১৯'পরি', ২৪, ২৫

উত্তর : চাহিদা বিধি অনুযায়ী কোনো দ্রব্যের দাম পরিবর্তনের ফলে চাহিদার পরিমাণের যে পরিবর্তন হয়, তা-ই চাহিদা সূচি প্রকাশ পায়। সুতরাং চাহিদা বিধির গাণিতিক প্রকাশই হলো চাহিদা সূচি।


চাহিদা রেখা : বিভিন্ন দামে ক্রেতা একটি দ্রব্যের যে বিভিন্ন পরিমাণ ক্রয় করে তা যে রেখার মাধ্যমে দেখানো হয়, তাকে চাহিদা রেখা বলে। অর্থাৎ চাহিদা সূচির জ্যামিতিক প্রকাশই হলো চাহিদা রেখা। বিভিন্ন দামে ক্রেতা একটি দ্রব্যের কী পরিমাণ ক্রয় করে তা চাহিদা রেখার প্রতিটি বিন্দুতে নির্দেশিত হয়। সুতরাং যে -কোনো একটি নির্দিষ্ট চাহিদা সূচির ভিত্তিতে একটি চাহিদা রেখা অঙ্কন করা যায়। একটি কাল্পনিক চাহিদা সমীকরণ

$Q_d = 20 - 2P$ গ্রহণ করা হলো তার ভিত্তিতে নিচের চাহিদা সূচিটি পাওয়া যায়।



চাহিদা সূচি

আপেলের দাম (টাকায়)	চাহিদার পরিমাণ (প্রতি সপ্তাহে)
৮	৪ একক
৬	৮ একক
৪	১২ একক



উপরের ব্যক্তিগত চাহিদা সূচিতে দেখা যায়, প্রতি আপেলের দাম ৮ টাকা থেকে হ্রাস পেয়ে ৬ টাকা ও ৪ টাকা হলে তার চাহিদা ৪ একক থেকে বৃদ্ধি পেয়ে যথাক্রমে ৮ একক ও ১২ একক হয়।

এ চাহিদা সূচিতে বিভিন্ন দামে চাহিদার যে বিভিন্ন পরিমাণ পাওয়া যায় তা রেখাচিত্রের মাধ্যমে দেখানো হলো- রেখাচিত্রে ভূমি অক্ষে চাহিদা ও লম্ব অক্ষে দাম নির্দেশিত। চাহিদা সূচি অনুযায়ী প্রতি একক আপেলের দাম ৮ টাকা, ৬ টাকা, ও ৪ টাকা হলে তার চাহিদা হয় যথাক্রমে ৪ একক (বিন্দু A), ৮ একক (বিন্দু B) ও ১২ একক (বিন্দু C)। দাম ও চাহিদার পরিমাণ নির্দেশকে এই A, B ও C বিন্দুগুলো যোগ করলে যে DD' রেখাটি পাওয়া যায় তা-ই হলো চাহিদা রেখা। চাহিদা রেখা সাধারণত বাম থেকে ডানে নিম্নগামী হয়।

*** ২। ক্রমহ্রাসমান উপযোগ বিধিটির ব্যাখ্যা কর। রেখাচিত্রের সাহায্যে ক্রমহ্রাসমান প্রান্তিক উপযোগ বিধির ব্যাখ্যা দাও।


বাকাশিৰো- ৯৯, ০৬, ০৯, ১২, ২৩

অথবা, ক্রমহ্রাসমান প্রান্তিক উপযোগ বিধি কী? সূচি ও রেখা চিত্রের সাহায্যে এ বিধি টি ব্যাখ্যা কর।

উত্তর : কোনো দ্রব্য যদি কোনো ব্যক্তি নির্দিষ্ট সময়ে ক্রমাগত ভোগ করতে থাকে, তখন ঐ দ্রব্যের প্রান্তিক উপযোগ ক্রমশ কমতে থাকে। প্রান্তিক উপযোগ এরূপভাবে কমতে থাকার নিয়মটিই হলো ‘ক্রমহ্রাসমান প্রান্তিক উপযোগ বিধি’ (Law of Diminishing Marginal Utility)। “কোনো দ্রব্যের মজুদ বৃদ্ধির ফলে কোনো ব্যক্তি যে অতিরিক্ত উপযোগ লাভ করে, তা সেই দ্রব্যের মজুদ বৃদ্ধির সাথে ক্রমশ হ্রাস পায়।” বোল্ডিং (Boulding) মত প্রকাশ করেন, অন্যসব দ্রব্যের ভোগ অপরিবর্তিত রেখে যদি কোনো ভোক্তা কোনো একটি দ্রব্যের ভোগ বৃদ্ধি করে তাহলে পরিবর্তিত দ্রব্যটির প্রান্তিক উপযোগ পরিশেষে হ্রাস পাবেই। ভোগের একক বৃদ্ধির ফলে উপযোগ ক্রমশ হ্রাস পাওয়ার প্রবণতাকে ক্রমহ্রাসমান প্রান্তিক উপযোগ বিধি বলে। নিম্নে একটি তালিকার মাধ্যমে বিধিটি ব্যাখ্যা করা হলো-

দ্রব্যের একক	মোট উপযোগ	প্রান্তিক উপযোগ
১	৪.০০	৪.০০
২	৭.০০	৩.০০
৩	৯.০০	২.০০
৪	১০.০০	১.০০

উপরের তালিকা দেখা যায়, ১ম এককের জন্য ক্রেতা ৪.০০ টাকা দিতে রাজি। ২য় এককের জন্য সে ৩.০০ টাকা, ৩য় এককের জন্য ২.০০ টাকা এবং ৪র্থ এককের জন্য ১.০০ টাকা দিতে রাজি। অর্থাৎ এখানে উপযোগ ক্রমশ কমছে।



নিম্নে রেখাচিত্রের সাহায্যে ক্রমহ্রাসমান প্রান্তিক উপযোগ বিধিটির ব্যাখ্যা প্রদান করা হলো :

চিত্রে OX অক্ষে দ্রব্যের পরিমাণ এবং OY অক্ষে দাম বা উপযোগ নির্দেশ করে। ১ম এককের (OA) উপযোগ ৪.০০ (AA'), ২য় এককের (AB) প্রান্তিক উপযোগ ৩.০০ (BB'), ৩য় এককের (BC) প্রান্তিক উপযোগ ২.০০ (CC') এবং ৪র্থ এককের প্রান্তিক উপযোগ ১.০০ (DD')- এখানে প্রান্তিক উপযোগ ক্রমশ হ্রাস পেয়েছে। অর্থাৎ $AA' > BB' > CC' > DD'$ । সংযোগকারী MU রেখাটি 'ক্রমহ্রাসমান প্রান্তিক উপযোগ রেখা'। এটি ডানদিকে নিম্নগামী হয়ে প্রকাশ করে যে, ভোগের পরিমাণ একক প্রতি বৃদ্ধির সাথে সাথে প্রান্তিক উপযোগ ক্রমশ হ্রাস পায়।